



№46 (8198)
20 қараша
БЕЙСЕНБІ,
2025 ЖЫЛ



Жылыой аудандық қоғамдық-саяси газеті

Кен Жылой

Газет 1933 жылы 4 қазаннан шыға бастады



www.facebook.com/kenzhylol
ken_jylol_gazeti

* Комиссия отырысы

ҚАЗЫНА ҚАРЖЫСЫ ҚАЙТА ҚАРАЛДЫ



Жуырда аудандық мәслихатта өткен кезектен тыс жиында бірқатар маңызды мәселелер қаралып, биылғы жылға арналған қаржылық жоспарлар қайта нақтыланды. Атап айтсақ, жиында 2025 жылға бағытталған аудан орталығы Құлсары қаласы мен Жаңа Қаратон кентінің, сондай-ақ Жем, Қосшағыл, Қара-Арна, Майкөмген және Ақкиізтоғай ауылдық округтерінің бюджеттерін нақтылау жөніндегі шешім жобасы ұсынылып, халық игілігіне берілетін жаңа нысандарды жүзеге асыруға мүмкіндік беретін өзгерістер талқыланды.

➔ 2-БЕТ

* Партия пәрмені

Аудандағы әлеуметтік маңызы бар үш құрылыс нысанының Ақазіргі ахуалына «Атапат» партиясындағы Партиялық бақылау комиссиясы мүшелері арнайы зерделеу жұмыстарын жүргізді. Комиссия мүшелері Құлсары қаласындағы көлік қатынасын жағайтын маңызды 2 көпір және Бақашыдағы су арнасын реттеу құрылғысын қарап, мердігер ұйым жетекшілерінен тікелей ақпарат алды.

Зерделеу жұмыстары жүргізілді

Осы тұста алғашқы нысандардың бірі болып И.Тайманов көшесіндегі көпір құрылысына жауапты «Құрылыс Тайм Контракт» ЖШС компаниясының бөлім жетекшісі Болат Әжімбеков құрылыс жұмыстарының қарқыны туралы баяндады:

- Біз жұмысты 25 қарашада толық аяқтап, асфальт төсеуге кірісеміз. Ең бастысы жол уақытында аяқталып, тұрғындар үшін қозғалысқа қолайлы болмақ, - деді Б.Әжімбеков.

Сондай-ақ комиссия тарапынан құрылыс сапасы, материалдар сәйкестігі және жұмысшыларға жасалған жағдай да зерделенді.

Екінші нысан Ұ.Әбірахманов көшесіндегі көпір жолы жұмыстары. Бұған дейінгі жобаның кешігуіне байланысты жаңа мердігер ретінде «Құрылыс КЗ 2019» ЖШС жұмысқа қосылған. Компания директоры Есенгелді Бекежанов комиссияға жағдайды егжей-тегжейлі түсіндірді.

- Бұған дейінгі мердігер «Марс Строй» ЖШС жұмысты аяқтамай кеткендіктен, біз осы нысанды қайта қолға алдық. Мемлекет қаржысы бөлінбей тұрғандықтан, жұмысты тоқтатпас үшін 57 миллион теңгені өз қаражатымынан салдық. Жұмысты қолға алғанымда 20 күн ғана болды. Көпірді жылы соңына дейін толық аяқтаймыз деген жоспар бар, - деді. Бұл нысан аудан тұрғындары үшін аса маңызды, себебі ықшам аудандар арасындағы қозғалыс пен көлік тасымалының негізгі артериясы болып саналады.

Үшінші зерделенген нысан – Бақашыдағы Жем өзені арнасы бойына орнатылған су деңгейін реттейтін құрылғы. Жобаны жүзеге асырып жатқан «Сап-Ин-Вест» ЖШС басшысы Бақытжан

Ғалымжанов жаңа гидротехникалық шешімдер туралы мәлімет берді.

- Біз өзен арнасына екі шлюз орнатып жатырмыз. Келесі жылы су деңгейі көтерілген кезде артық суды Құрсай бағытына жіберіп, қалғанын Жем өзені арқылы реттеп отыратын болады. Ауданды екі шлюз арқылы тұрақты түрде сумен қамтамасыз етуге мүмкіндік туады, - деді ол.

Су шаруашылығы көздері көрсеткендей, құрылғы іске қосылғаннан кейін су тасқыны қаупі төмендеп, егістік пен ауыл шаруашылығы қажеттілігіне су тарату жүйесі жақсарады.

Қорытындылай келе, зерделеу жұмыстары аудандағы инфрақұрылымдық жобалардың өзекті мәселелерін анықтауға және олардың орындалу барысын бақылауға мүмкіндік береді. Әр нысандағы мердігерлер өз міндеттемелерін түсіндіріп, жоспарланған мерзімдер мен алдағы жұмыстарды нақты атап өтті. Партиялық бақылау комиссиясы бұдан әрі де құрылыстың сапасы мен уақытында аяқталуын назарда ұстайтынын жеткізді.

А.ЕРДЕНҚЫЗЫ



* Қауіпсіздік

Дрон арқылы жол бақылауда

Қолайсыз ауа райы жағдайлары жолдағы қозғалысты қиындатып, жол-көлік оқиғаларының қаупін арттыра түседі.

Тұман кезінде көлік жүргізушілерге алдағы көліктерге дейінгі арақашықтықты анықтау қиындайды, қарсы және қатарлас бағытта келе жатқан көліктердің жылдамдығы да дұрыс байқалмайды. Осы себепті тұман кезінде басып озуға жол берілмейді. Сондай-ақ тұманда алысқа жарық түсіретін шамдарды қосуға болмайды, себебі жарық тұманнан шағылысып, көрінуді нашарлатады. Мұндай жағдайда жақын жарық шамдарын және тұманға қарсы шамдарды пайдалану қажет. Күзгі-қысқы маусымда көктайпақтан сақтану қажет.

Осы орайда Атырау облысы полиция департаменті жанындағы патрульдік по-

лиция ротасының қызметкерлері дрон әуе камерасының көмегімен 600-ден астам жол ережелерін бұзу фактілерін анықтап, көлік жүргізушілеріне әкімшілік хаттамалар толтырды. Тәртіп сақшылары қолайсыз ауа райы кезінде мүмкіндігінше сапарға шықпауға, жолға шыққан жағдайда барлық ережелерді сақтауға, көлік басқару кезінде телефонмен сөйлеспеуге және қауіпсіздік белдігін тағуға кеңес береді. Бұл қарапайым сақтық шаралары сіздің және өзге де жол қозғалысына қатысушылардың өмірі мен денсаулығын қорғауға мүмкіндік береді.

Бүгінгі сәндә:

«ЖЫЛОЙДЫ КІМДЕР ЖЫРҒА ҚОСПАДЫ?!»



➔ 4-БЕТ

* Баспасөз - 2026



Кен Жылой

газетіне 2026 жылға
жазылу жүріп жатыр!

БАЛАМАЛЫ НЕГІЗДЕ:

занды тұлға:

1 жылға - 6292 те.
6 айға - 3146 те.

жеке тұлға:

1 жылға - 3400 те.
6 айға - 1700 те.

"Кен Жылой" газетіне баламалы
түрде төмендегі нөмір арқылы
жазыла аласыз: 8-701 413 95 22

Индекс: 65583

